

  
**REPUBLIKA E SHQIPËRISË**  
**MINISTRIA E EKONOMISË, TREGTISË DHE ENERGJETIKES**  
**DREJTORIA E PËRGJITHSHME E POLITIKAVE TE ZHVILLIMIT TE BURIMEVE**  
**NATYRORE**  
**DREJTORIA MINERARE DHE INDUSTRIALE**

---

**URDHËR**

Nr. 386, datë Xo. 5.2011

**PËR**

**MIRATIMIN E RREGULLAVE PËR PËRDORIMIN E TË DHËNAVE MINERARE TË  
NJË LEJE MINERARE**

Në zbatim të nenit 102, pika 4, të Kushtetutës së Republikës së Shqipërisë, të nenit 50, pika 6 dhe nenit 56, pika 2, të ligjit nr.10304, datë 15.07.2010, “Për Sektorin Minerar në Republikën e Shqipërisë”,

**URDHËROJ:**

1. Të gjitha të dhënat për burimet minerare në Republikën e Shqipërisë, pavarësisht nga mënyra e ruajtjes së tyre, i përkasin shtetit shqiptar dhe i vihen në dispozicion strukturës përgjegjëse, me kërkësë të kësaj të fundit dhe në përputhje me dispozitat e ligjit nr.10304, datë 15.07.2010, “Për Sektorin Minerar në Republikën e Shqipërisë”.
2. Të dhënat teknike dhe provat studimore, që zotërohen nga strukturat përgjegjëse si rezultat i punës së këtyre strukturave, të cilat i përkasin shtetit Shqiptar disponohen dhe përdoren në përputhje me legjislacionin shqiptar në fuqi.
3. Të dhënat teknike dhe provat studimore, që zotërohen nga strukturat përgjegjëse të përfshitura nga informacionet e detyrueshme të zotëruesve të lejeve minerare janë konfidenciale.
4. Të dhënat teknike dhe provat studimore, që zotëruesi i lejes minerare i krijon gjatë realizimit të veprimtarisë së tij minerare dhe janë pjesë e informacioneve të detyrueshme që zotëruesi i lejes minerare realizon tek strukturat përgjegjëse janë konfidenciale. Zotëruesi i lejes minerare mund të shfrytëzojë të dhënat e sipërpërmendura vetëm në interes të atij vetë dhe vetëm gjatë afatit të vlefshmërisë së lejes minerare. Transferimi i këtyre të dhënavë nga zotëruesi apo ish-zotëruesi i lejes drejt palëve të treta mund të bëhet vetëm pas miratimit paraprak nga struktura përgjegjëse dhe duke respektuar legjislacionin shqiptar për të drejtat e autorit.
5. Të dhënat për pagesat e taksave vendore dhe kombëtare nuk quhen konfidenciale. Të dhënat për pagesat e taksave vendore dhe kombëtare publikohen në kuadër të transparencës me publikun për veprimtaritë minerare.

6. Çdo aplikues për një të drejtë minerare mund të përdorë të dhënrat e marra nga strukturat përgjegjëse apo zotërues te mëparshëm të lejeve minerare, duke ruajtur konfidencialitetin e tyre dhe duke deklaruar burimin e tyre në momentin e aplikimit.
  7. Përdorimi i të dhënave teknike dhe provat studimore, që zotëruesi i lejes minerare i krijon gjatë realizimit të veprimtarisë së tij minerare dhe që janë konfidenciale mund të përdoren kur zotëruesi i këtyre të dhënave është dakord që të ndiqet radha si më poshtë:
    - a) përfundimi i afatit të së drejtës minerare;
    - b) zotëruesi i lejes të kërkim-zbulimit kryen aplikim për leje minerare shfrytëzimi;
    - c) lënia e zonës, në të cilën janë marrë të dhënat teknike dhe provat studimore;
    - d) dy vjet më pas nga data e marrjes së këtyre të dhënave dhe provave prej strukturës përgjegjëse;
    - e) publikimi i të dhënave të tillë;
- Nuk mund të kryhet ekzekutimi i pikës pasardhëse para asaj paraardhëse.
8. Përcaktimet e pikës 6 nuk mund të kufizojnë të drejtën e shtetit për të përdorur një informacion të tillë për përgatitjen e raporteve ekonomiko-financiare apo dhe tekniko-shkencore që i nevojiten atij.
  9. Rezultatet e provave studimore që përfshijnë analizat kimike, mineralogjike, petrografike, studimet teknologjike etj., në kuadër të raportit përfundimtar me mbylljen e afatit të lejes minerare dorëzohen pranë institucionit të SHGJSH për lejet e kërkim-zbulimit dhe në AKBN për lejet e shfrytëzimit. Kampionatura për rezultatet përbahet nga:
    - a) Për shpimet e realizuara në lejet e kërkim zbulimit, zotëruesi i lejes dorëzon te SHGJSH: grafikisht kolonat gjeologjike të shpimeve, dublikatat e mostrave të analizave kimike ku është kapur trupi minerar, shlife dhe anshlife përsaqësuese nga studimet mineralogjike dhe petrografike, si dhe përshkrimin e tyre.
    - b) Për provat e trajtimit të mineralit, zotëruesi i lejes së kërkim-zbulimit, shfrytëzimit apo kërkim-zbulim-shfrytëzimit dorëzon grafikisht skemën teknologjike me parametrat e realizuar për çdo produkt të skemës që përfshijnë sasinë, cilësinë, rikuperimin, përbajtjen e të ngurtës, dublikata të analizave kimike të produktit përfundimtar dhe përshkrim të parametrave të pajisjeve të përdorura në skemën teknologjike.
  10. Struktura përgjegjëse dhe autoritetet e tjera shtetërore, që kryejnë funksione shtetërore në fushën minerare, janë të detyruara të ruajnë konfidencialitetin e të dhënave, të marra nga zotëruesit e lejeve minerare apo të të dhënave, për të cilat kanë marrë dijeni gjatë ushtrimit të funksionit të tyre e që përbëjnë sekret tregtar, në përputhje me legjispcionin në fuqi. Shkelja e këtij detyrimi ndëshkohet sipas legjispcionit në fuqi.
  11. Për zbatimin e këtij urdhëri ngarkohen institucionet e SHGJSH, AKBN dhe Drejtoria Përgjegjëse në METE që trajton problematikat e lejeve minerare.

Ky urdhër hyn në fuqi menjëherë.

